

二知軒詩續鈔

二知軒詩續鈔卷十一

定遠方濬頤子箴

古今體詩一百又三首

辛未正月
至五月

正月初五日渡江

凍雲漫天江無波深潭白晝鳴蛟鼉銀龍掉尾任游戲
打篷雪片飛傴僂猶記顛風吼殘臘怕看浮玉山頭塔
行人欲渡不得渡孤坐寒宵念朋盍去年十一月廿一
日偕仲復竹庵朝
傑暢飲於京口江神廟至臘月
初二日自白下歸復阻風於此一冬詩債兀未償垂老
更驚烏兔忙艣枝搖曳過江去眼前妙景投奚囊

宿東陽鎮慶真觀贈大澈和尚

頭陀能識長官賢

謂仲復

讓客精廬獨坐禪五夜常惺惺

卧佛千絲如雪學髯仙

和尙今年七十美鬚髯

居然虎豹叢中出

好結烟霞世外緣東指瞞天龍在望

寶華山距鎮十八里

何時同

躡白雲巔

過惜陰書院訪薛慰農

時雨

觀察

寂寂龍蟠里蒼森列四松門墻羅俊彥桑梓識儒宗

予道儒林外史中人真姓名

宦拙知君達詩逋讓我慵

客臘君贈予七古一章碌碌未報

浮雲風埽盡不芥浩然胸

贈伴霞和尙

四十五年成一覺龍象皈依馴虎豹重新梵界牛首山

脫屣妻孥向西笑麻衣道者姑布儔去春勸作炎荒遊
避人還欲乞心印浩蕩不爲天地囚

甘露庵與童際庭

壘

觀察夜奕

年來著著讓人先勝負胸中卻了然坐隱春宵更漏永
不須別豎拍頭禪

曉發金陵

勞勞五日困衣冠出郭遙征犯曉寒戰壘建康烽燧靖
仙山句曲洞天寬幅幘江介殊遼濶巖岫雲根總鬱蟠
聞道逢春香火盛可知民氣尙凋殘

丹陽道中

眼前詩境妙無窮頃刻噓枯野燒紅一擔魚鷹何處去

雁聲如鷓鴣長空

行到荒村半掩扉早春雪糝土膏肥兒嬉隴畔婦耰麥
曉起趁墟人未歸

丹陽城外濬河築壩輿夫告疲遂乘小舟達陵口

去年至曲阿弗計河水涸竟日才廿里淹遲陵口泊偕

行有予季蓬窻詠歌樂

謂與子
聽聯句

今朝大不同輿夫倦踣

蹶九十里未休幾類蟹郭索使者亟水利

謂仲復

方春役

疏鑿早晚丁壯齊審慎士方度暫滯旋即通汪洋非闕

洶呼艇乘月泛爲爾惜腰腳我友已前進

聞奴子云竹
庵先過此

不獲共杯酌驚心將試燈岸上金鼓作

題魏剛已

皆

司馬阿伽盧室詩存

冷沁心脾嚼冰雪幽通鼻觀味旃檀騷壇羨子如宗武
竟夕蓬窓展卷看

表揚先德艤船行書感千言繼北征鋒鎬餘生甘吏隱

自攜椽竹譜商聲

常州城河爲木筏所阻舟用轆轤號呼牽轉二更

後甫泊東門外喜見竹庵

禪家寶筏迷津渡此獨胡爲礙行路填衢塞巷長安車
水驛舸艦紛敲訶負牽不能利用絞一轉再轉人力拘

偈仄偈仄却且前始焉迂滯終便偃良朋遲我不曾睡

抵掌雄談月西墜

舟人名曰綾關

望慧山

我藏六如竹爐卷恨不攜來登此山廿年鴻爪已無迹
夢想划船秋水灣白咽紅頰退之詠新聲一闕菩薩蠻
不能煮酒且烹茗歸當再踏苔蘚斑

寓治隱園

一夜掉扁舟侵晨達吳會去尋池上屋空明絕埃壘名

園亂後存宵篠春氣靄粉榆重鄉誼我來附冠蓋

十八日同

鄉園

拜

十六日張子青

之萬

中丞招飲吳園

卽拙政園

鴻泥記踏廿年前鈴閣追陪北海筵倚磴寒花團豔雪

紅梅盛開

繞池古木罨春烟袖中況有倪黃筆

中丞善畫

座上忽

逢蓬閣仙

謂徐壽蘅學使

重拓名園娛壽母一門純嘏得天全

中丞六旬晉一晉四後二日爲

太夫人八旬太夫人壽辰

是日復過金獅巷訪子貞前輩卽留晚酌

因病開門久老人春畏寒與君交誼篤爲我酒腸寬白

下帆將挂揚州月待看融和游興動扶杖展眉歡

詠季玉養閒書屋盆梅

高下甌盆白於玉滿室古香春氣足虬枝蛟脊幻形狀

雪魄冰魂脫塵俗應嫌鄧尉太凡近羅浮聘取神仙族
老幹屈強不盈尺萬蕊千花鬥繁縵園丁賭巧爭天工
主人嗜奇富收蓄隨園一本更天矯舞態迎風舒萼綠
倉山樓閣已灰燼何幸百年生使獨橫斜拘折轉妍媚
花樣翻新避庸熟座間有客默惆悵肥水幽居猶未築
爲梅寫照貺同人寶米齋中懸一幅

壺園卽事

屈曲房櫳取徑幽銜盃聽雨集朋儔風塵妬爾逢青眼
歲月磨人到白頭萍梗波濤何處繫梅花骨格幾生修
吳趨莫漫誇三秀澹雅終推第一流

培養靈根出惠泉飛茵墮瀾劇堪憐藕絲未斷纏綿恨
貝葉徐參解脫禪睥睨籍伶希醉聖較量環燕數詩顛
繁華轉瞬皆泡幻池上膏肓一枕眠

二十二日泊舟閭門外友人復招飲城中

蓬背雨瀟瀟衝泥忽見招離情絃管滯春色燕鶯驕判
袂愁無奈停杯意也消渡江還有約同去醉松寥

風雨不能游慧山竹庵招登環翠樓夜酌

勞君兩日維舟待一雨頓令游興孤且喜憑闌青在望
老僧剪燭勸提壺

次眉生雪中用東坡韻寄懷一首

連日捧觴澆壘塊足做詩人驢子背珠璣入手慳一面

目雨拏舟過寶帶

橋名

問君歸去何匆匆綠綳鴛湖魚

可贈筆鋒幾似廣長舌能令虛空都粉碎攘臂又遭虎
負嵎收帆卻羨船下瀨珍重莫忘暮春約聚首竹西談
嶺外躊躇小別俄經年埽徑再圖真率會笑儂但賞壺
園花未得嬉游香雪海

寄題龔叔雨

自閑

大理杏苑盍簪圖次陳小舫

廷

經
給諫

霞綺爭誇老樹妍東皇雨露受恩偏難忘步障千重

錦已墮風塵十二年

子於咸豐
庚申出都

春色虛探炎嶠地

廣州
城外

鄧氏杏林莊余在粵九年未曾一到墨緣新結玉堂仙
昨歲度嶺歸時友人招游又不果往孫萊山學士視學入閩道出邗江爲子話此圖不
可無詩乃次日小舫書卽至寄詩索和噫亦異矣
想像都如舊迢遞情悵託雁傳

金臺有客夜郎回

叔雨由黔藩內轉

接武夔龍陟上台自昔郊

邨能競爽

叔雨與令兄養和甲辰同榜

於今廊廟正需才日邊繚繞

彤雲麗海畔迷漫瘴霧開朝罷諸公多韻事聯鑣韋曲

看花來

久要車笠見天真大隱金門迴絕倫應念肩隨三密友

謂盛旭人馮展雲蕭蕪泉

更圖肥遯兩高人

謂周縵雲王子壽

身經離索誰

爲伍交到文章倍有神差幸一編方晤對

淮南書局近校勘魏默深

古微堂

詩文集 大招欲賦楚江濱

垂老抽簪好退藏
浮沈前路感茫茫
回頭紫陌空陳迹
坐嘯青山戀夕陽
旖旎可堪霜鬢短
奔騰猶記馬蹄香
他時扶杖春明屋
白首銜杯惜景光

病瘍旬日不出詩以排悶次吳定生去冬見贈韻
風雨歸來揚子津
云何蹙蹙阻尻輪
勞筋未息難逃世
捷足先登且讓人
珠海炎蒸肌起粟
玉池壅遏肺生塵
昔年柳肘無茲困
負卻紅橋一段春

癡鈍由他劍刻舟
終朝意釣把空鉤

見東坡觀棋詩

贅疣形性

論莊叟撫髀英雄歎
豫州鳬鵠詎聞身
外續琵琶敢望

格中收試看竭蹶趨壇坫籍湜無人不汗流

問候官倉杏換楊刀圭纔進乞符章

許樂泉大令用藥沈道士書符皆有

效

誰能上古追苗父或者參同證伯陽坐隱頓忘行脚

苦酒尊不敵藥爐香神醫徒樹猶嫌幻飛下慈雲火宅

涼

題方小東

朔

刺史談瀛徵實

浩瀚休誇測海蠡狂揮筆陣掃鯨鯢一編足抵南鍼用
從此乘槎路不迷

前在吳門眉生用東坡聚星堂雪詩韻索和碌碌
未報昨來邗上適予病瘍久不作詩復以四疊

韻見跡走筆率成二詩奉酬

莫怪遲遲成楮葉寒竿焉能調郢雪勁敵況有東洲翁

何遜揚州稱二絕

謂悔餘

吳門歸來足蹢躅詩人苦被天

磨折終朝袖手且觀奕勝負無心壓妄滅青山杜鵑爲

我啼碧海鯨魚待誰掣園丁時時送花至錯落瑛盤垂

繡纈

謂山茶綉球

相期渡江去仍返

君有白下之行數日卽歸

快瀉玉缸

助談屑吟朋候水不可招

謂謙齋叔平

荏苒流光同電瞥奔

馳甫息末疾嬰浮雲變態休休說對花枯坐還白嘲健

步猶思追阿儼

天膏催放鼠姑葉一朵瓊葩豔於雪半圓老樹委榛莽

迴首鄉關遽愁絕，
雨剛逢莫春。
朔紅板橋邊柳，
堪折。
倉山御窟中遺址，
前輩風流。
今歇滅，
傲睨故應萬馬空。
指揮倘許六鼂掣，
知君傾倒東諸侯。
入座醉紅生面，
嶺顧予城府太豁然。
漫識羊皮有鹽屑，
讀畫誤學孫郎彈。
擁書姚遜王筠，
臂懷中富過陸賈。
裝錦蹕牙籤，
非浪說近屬湯敦之代。
病夫撫髀動豪興，
高唱宛如磁引鐵。
終夢圖書畫錄。

題襟館消夏第一集用劉美初前輩讀邦上題襟

集遙寄賓谷先生韻

火傘撐空汗雨流，
披襟相對傲浮休。
詩狂我愛王肥上，

謂謙齋

書聖近推何道州

謂子貞前輩

叩竹健扶身似鶴，
蜀山

高臥氣如秋好風一夜甘霖降快向紅橋載酒游

豪興猶然卷白波賞音今喜抱琴過香探蓮界塵氛淨

貞翁獨游

天甯寺賦到蕪城感慨多壇坫百年重闢社烟花三

月續徵歌停杯忽動林泉想恨不幽棲薜荔阿

答子貞前輩疊前韻

才望中朝第一流逍遙林下是真休慨然命酒來吳會

正月予至蘇過訪
卽留寓齋對酌

候爾緘書自潤州

前輩將至揚州
先以書見寄

尺

幅蒼茫烟水畫數聲清脆管絃秋昨宵追暑天公雨不

負先生放棹游

詞源浩浩洞庭波盧駱王楊百倍過盡洗鉛華真面出

獨攄胸臆性靈多招涼新種十竿竹乘興且將三樂歌
卻悵海天未至相思迢遞白雲阿

方小東誤傳林
鄉溪已來邦上

次貞翁前輩種竹韻

今春課園丁補竹二百竿前年種未活茲方報平安迴
念西園中錯落排明玕詩友忽言別青士長幽單客夏
復度嶺新籜齊簷端廣陵太荒蕪何地堪棲鸞君來策
疲慵使我不素餐鼓勇上壇坫一劍能劫桓竹兮解人
意引風拂重欒安知十年後不作簣簨看

寶米齋雨中小酌聯句呈子貞先生

天公爲我拓詩境

方子
饋

祝誦敎威不敢逞

王謙
齋

黑雲卷

空萬珠打

許叔平

脫帽客來遑造請

徐椒岑宗亮

邗水有情聚

萍梗

箴

讀畫圍棋塵俗屏

謙

亂飛玉屑忘晝永

叔

壇坫

崇開樂敦領

椒

旁若無人捫蝨猛

箴

謙齋

謂

短榻高懸堅

素秉

謙

椒岑

謂

挂瓢豈甘伏箕穎

叔

南極老人一星炳

椒

謂何子貞丈

支筇獨上梅花嶺

箴

怒縛蛟螭噤蛙黾

謙

且張

旗鼓互馳騁

叔

怕以良金雜頑礦

椒

小院沈沈松柏影

箴

箕踞傲睨敲木瘦

謙

酒香流涎壺拘頸

叔

醉墨淋漓

門俄頃

椒

渴吻屢索龍團餅

箴

湘紋觸風如藻荇

謙

阿

香車過羣籟靜

叔

偶露斜日趣繫綆

椒

昨者白雪曾和

郢

箴

已與貞翁唱和兩日

絕大才名讓紅杏

謙

枯腸笑予吟思鯁

叔江海餘艤吞舴艤叔要從真樸出新警箴却借滂沱

淖鋒穎謙心兵角勝殊暇整叔慚愧生涯恩蟬蛸叔久

別柯亭與劉井箴羅胸卷軸匹母嬰謙遊蹤幾偏古行

省叔運際澄清屬天幸叔驚才竭蹶議胸臆箴肥上園

廬何日併謙夢想烟波美笞簪叔觴詠留連惜光景叔

洗淨炎歊詩骨冷箴

贈謙齋三疊前韻

矜奇鬥捷邁時流魯望松陵遇日休不媿家風傳內史

爲貪山色滯宜州君客皖四月環村檜柏千章樹負郭陂塘

五月秋天與閒身腰脚健佗年偕作紫蓬游

門鴨池邊漲綠波，殘春猶記盪舟過。草堂占得單椒秀，

擬築蜀

山草堂。竹里分來十笏多。

君許分逍遙，津隙地爲予別業。

裴孟之間堪

結侶。汪吳以後復賡歌。

邦上題襟集，吾皖推艾堂山尊兩先生。

雄豪詎入

風塵。盼骨法空令憶子阿。

訓叔平四疊前韻

三峽詞源水倒流，更闌刻燭幾曾休。君歸漱石江干屋，

我去囊詩領外州。且喜春生雙管活，

君偕湯敦之編夢園書畫錄

又

看傲寄一籬秋。

予近浼嵇小筠作寄傲圖

朋簪聚合消長夏，不數南

皮囊日遊。

偏師真足抗王波。

戲謂謙齋

品藻蘭荇不是過。

君有蘭荇館詩集

猛

雨頓增詩律健清風總覺故人多漫誇千氏接神記熟
讀坡仙證道歌君嘉說神鬼事兼工導引引領終期雲出岫未容息
影向箕阿

夏雲篇次貞翁前輩韻

曩者飛雲巖吐氣何豪雄

集中飛雲巖七古最奇

無石不是雲變

化離其宗狀雲卽狀石我服東洲翁昨從白門來高躡
栖霞峯脩然一片雲東去隨江風泛泛米家船上有貫
月虹掇雲根兮小泊遇焦先兮騎龍動盪絕詭異天水
相搖溶訝紛披之老筆憑畫意以寫雲容清燕堂內擲
杖起仰睇層霄靡定蹤臨池劇稱快悟生懷素胸山帶

可繫腰行且拋絨縫雲師助雨師布濩與田功卷簾兮
新爽挹命酒兮酩顏紅癡頑却笑態不同呼吸直與帝
座通請看膚寸之際廣漠之中奔馳戢香齋迷濛漫
漫出岫鱗鱗翳空奇哉夏雲將毋搆自天匠運以神工
詩心雲心互凝結安得鞭鸞笞鳳縹緲凌蒼穹

貞翁前輩用聯句韻作迴思篇卽疊前韻以報

昔年追逐蓬萊境笑看長安棋局逞狀元何人工步打
花間獨許黃鸝請要知所學異木梗劬書閉戶塵事屏
上薄羲獻儕果永解經孔鄭得綱領韓潮蘇海匹湍猛
玉堂接武遺訓秉笈北上別渦潁仰荷提撕眩彪炳

君方去踏仙霞嶺

已亥順天鄉試願出公門下前輩時亦典試閩中

文安蛟龍得

水陋蝸電驚駘羞共驂駟騁

子愚五世兄是科亦舉於鄉

巨眼金璞

無留礦太息匆匆逝駒影不材擁腫如贅癭墮淚師門

空引頸親炙愴懷彈指頃六年始啖紅綾餅把臂曲江

吟翠苻待漏沈沈宮鑰靜汲古深慙乏修綆未必巴人

堪和郢古色古香壓桃杏且向西臺效忠鯁不分南征

浮舫艫是時吳楚烽烟警長槍大戟勝毛穎遊罷三峩

歸轡整日手一編走蠹蛎訪舊重登岡越井

前輩癸亥遊粵東

賤子外出媿楊賜竭來竹西話槐省生涯拙宦真僥幸

況復附驥雲中邴文戰驅馳垂老併亦欲抽簪帶笈簪

流連難忘燕臺景先生足傲劉淵材馬齒非同葦菜冷
前輩喜啖馬齒
竟故戲及之

謙齋每成一詩虛心下問不以予言爲謬用昌黎
贈張籍韻枉投次韻謝之

滄浪論詩派別具隻眼要之以意勝興到乃操簡漢
魏與唐宋奚云徑途限瑠瑤辱嘉貺維誦我心赧涉獵
原未深遽爾登仕版膏騰飲渴醪頗思覓清醲雕蟲自
矜詡不顧夫子莞尺璧瑕掩瑜良工惜天產譬猶大官
庖刀匕亟料揀羹材選湘毫火候商炙弗畫家忌平直
中康外嶮巇性靈匪塗澤百六陋張綰他山一頑石可

以助削剡巨細諧八音烏能廢剡機寸心得失知鞭策
入毅個願上師古人書城引長轡況逢君子至

謂貞老

杖

杜歌有皖鴻文恣無範汪洋隘襟涯

竹下作次貞翁韻

題襟館前清燕堂足與先生安研席先生愛竹手自栽
傳舍何須論主客瀟灑差令人免俗滂沱乃荷天降澤
連朝颯爽快攤箋竟日婆娑忘蠟展清風徐引睡鄉穩
底用琅玕橫八尺座中佳士相周旋孰道此君性孤僻
便作甘棠一例看爲語後來勤護惜淋漓寫出竹精神
滿紙森梢動吟魄

詠謙齋叔平疊前韻

放開眼界胸浩蕩天真可幕地可席沈埋簿領心力罷
輸與諸侯老賓客掉頭爭羨孔巢父折腰不慣陶彭澤
逍遙津上一扁舟浮渡山嶽幾兩展酣嬉跌宕去俗態
禮法何須泥繩尺廬州三恠任人呼謙齋與徐毅甫朱
默存有廬州三恠
之癡絕書淫情逾僻戲謂叔平要將文字託性命做帚千金
自珍惜縲絲宛轉有鹿盧拾芥分明如虎魄

觀奕三疊前韻

海門

李

介之

沈

秋航僧後有周郎占此席

邨上周小松
近推國手

當其兩雄相角時寂寂譁眾賓客播九見諸淮南篇

方者處高員走澤屢因病瘍不出門坐隱終朝怕着屐
侵分得地園若陣羅布周天量以尺白瑤元玉空眼飽
清簾疏簾非嗜僻旁觀了然覺悟開韋曜徒爲蔡穎惜
一杯爭戰迄未休那如橘裏藏仙魄

擬築蜀山草堂柬謙齋四疊前韻

莫笑乖崖馳劍南未向希夷分半席前年買斷蜀山地
迢遙又作炎荒客離垢常思劉慧斐訂交罕遇畢隆澤
蝨隱庵主寓書問疑我終難躡歸屐松菊就荒渺三徑
風塵奔走勞七尺茲山距郭僅廿里君家西園境非僻
君之先代思齡通政
曾於山下築西園
明年早爲種龍鱗棄此雞肋何足

惜開福寺外把臂游雲影濤聲壯心魄

次謙齋喜雨五疊前韻

暑風吹雲不成雨之子渡江挂帆席緣何贈詩反逃社

陳半樵贈邦上題

襟續集旋往白門正欲招涼且延客曉起頻番睇閭闔

安得爲霖符麗澤破空忽震阿香車衝泥爭挈阮孚屐
昨聞肥津尙苦旱惟祝分龍勤下尺屏翳却走羲和鞭
韓孟才人好奇僻廣陵連歲慶有秋劫餘深荷穹蒼惜
夜闌披襟不向眠幾縷幽芬噴蘭魄

盆松用賓谷九龍澗古松韻仿何范體聯句

突兀一株松旁列一拳石輪囷鬱盤錯中藏太古色項

折腹膨亨飽經苔蘚蝕風雨驟然至仿佛怒濤激託根

在盆盎敢厭塵囂逼倘置雪山巔寒光通月夕大廈要

支撐待補乾坤隙

謙齋

楞散任朽蝨蝨局寄荒僻乞來

盈寸苗幾時尺論百蒼蒼偃蓋陰徧復蜀岡脈念此干

霄姿厯將坏土植直幹或礙檐櫺枝每觸壁咒鉢龍已

馴在筱鸞苦厄大材詎可羈拘屈尙標格

文登子昌
遂漢卿

不

見萬壑中擎雲聳奇特屢遭斤斧尋罕遇工輪擇偉哉

五大夫垂老受秦職如何束縛之俗眼太無識貞心抱

彌堅差免爨下惜羣英孰儕伍後凋全汝德園官善培

養勝彼岩阿匿寄聲支離叟入世毋遯跡

子箴

贈漢卿用吳山尊先生喜蘭雪至韻

雨風將客至簾外喜楚然約畧師中隱判留度小年樹

栽園十畝山枕郭西偏

君築養志園於西郭外甘泉山在其後

試展耕烟

畫

觀予近所得石谷仿巨然長江萬里圖卷

教人憶老顛

玉谿藏石谷畫冊最精

小阮新符綰

令姪少湘將之洵州分司任

團團慰旅情高風竹林繼

鄉夢海雲橫學道才能斂捫胸氣已平犀提精舍闢一

笑外緣輕

次韻謙齋食瓜口占三絕

遺核崆峒四劫新俯看赤縣笑無人

邱處機詩赤縣何人購得嘗

神

仙一樣思消暑願學梁亭灌楚鄰

道旁鼻選待傾籃魚化防佗入釣潭三白

瓜名產吾鄉

真堪

傲蒲鵠丹瓢不及密房甘

莫漫灣頭轉柁牙

君將有寶應之行

消除熱念道心加人間難

免楊惜謗貧士紛紛解市瓜

題曹雲西山水卷用張東海韻

元四家外獨出奇波光帆影中有詩想其胸次絕曠逸
天然清潤無肥癡得魚沽酒大自在平坡莫教下碇遲
扶筇客來亟埽徑樓頭萬軸看陸離

題唐子華勒馬聽泉圖用卷中吳郡張代韻

冷楓烏白如火燃明霞倒浸瀑布泉一客幾冠一椎髻

偕游池邇山蹊間晴空忽訝天漿流雷碾震闢巖洞幽
側耳並轡行不得商飈況復鳴高秋羊求作侶溷仕隱
爲貪絢爛霜中景重以笙簧琴筑喧盪滌塵心詩骨醒
萬峰盡處松杉青丞哉筆墨何通靈子華官休甯縣丞湖山清
遠繫鄉夢子華吳興人方思肥遯希湛冥水晶宮裏王孫畫
漁樂磬頭能入化此幅居然衣鉢傳比似鷗波不相下

題唐六如鍾旭捕蟾圖

紆青掄紫令僕雄螭癡蛤霸從同同張口食月一目朦
聚而請雨聒昊穹噓氣竟成水上虹魑然天使來堂中
曰帝命作平章公老燿聞之怒瞠視無理取鬧乃如此

背劍執笏長嘯起問汝本田父胡著錦襖子竹枝弔汝
足屈強便磔死誰歟圖者六如居士鼓造辟兵翻遇兵
終南山人南食矣

題錢叔寶鍾馗折梅圖

一鬼奉瓶躬也鞠一鬼彎跽供踏足更有一鬼登梅顛
拘折花枝形骸疎翻身向天舉手接亂舞寒香到眉睫
淩波仙子開笑靨梅樹下有水仙策蹇尋梅曾有圖梁楷所作錢生

兒此放悲無高驪使者風雅徒畫右有朝鮮安岐珍藏印攜歸海東

返淮浦奇情幻態詩翁娛我知茶壘偕避鍾進士冰天
月下鶴夢遽然蘇

題金冬心醉鍾馗圖

昔耶居士好遊戲何處得見鬼伯睡靈均獨醒罕與伍
大千世界同一醉老馗啖鬼如啖螯饒口流涎香撲鼻
手揮鬼去便開甕長鯨吸川絕橫恣膏騰趾離默相導
酒國逍遙無所事風趣宛然畢吏部戟髯枕面笏墮地
十三圖外却此圖原跋記吳道子以下
凡十三圖各異狀以酒作畫出新
意原跋云予用禪門米
汁和墨吮筆寫之閉目亦令虛耗驚乃公雄拔槽
邱幘

題奚鐵生鍾馗吉慶圖

我有青藤吉慶圖不見山僧兒童子師其意者鶴渚生

獨畫終南鍾進士吁嗟鬼國方稱雄羅刹畫閨天夢夢
以人制鬼鬼不畏還須仗汝殲羣凶終南進士食鬼盡
拋除巾笏山中隱倚牀擊磬蹠一足小妹隅坐將線引
阿兄歸家樂可知四境以內無魅魍河海清晏神人熙
鳴球從此罷鉦鼓妙腕諧聲一寫之

感懷三疊前韻

浮雲蒼狗皆幻境莫訝衆生機械逞勝負相爭殘劫打
捷徑輪他纓可請塵海何時息蓬梗逍遙巖壑萬緣屏
紉繹遺編趣彌永竭歷胡爲困簿領要知新儒匪前猛
趨營力戒從所秉雌雄劇難判杭穎我姑臥遊學宗炳

怕酌貪泉偏過嶺紛囂聒耳水上龍頗悔文字浪馳騁
拙工眯目玉埋礦太息口弩潛射影強項奚由敵智癭
喜獲吟朋共伸頸謂李維和勞燕東西如電頃豪放判將珠
市餅紆徐幾類魚穿荇因病得閒鈴索靜可奈王郎船
解纜謙齋忽往寶應愁聽荇苒起湘郢吾鄉苦旱蟲蠹杏有懷
欲吐喉如鯁捫編之用異舴舨寂然無言抱虛警吐氣
必仗管城穎誰欺孽盡大綱整食古不化書中蛎觀天
豈可甘坐井濕絮漫空障炎熈形骸脫畧繁文省委心
任運絕冀幸曰愧嚴鄭慕張邵且復推敲思力併雋腴
登庖罄籠簞底用黃庭談內景鎮以甘瓜熱腸冷

題冒辟疆姬人畫冊

沈歸愚跋云二十頁今僅存其半

微禽亦有知心乎此君愛雪天萬木凋介節與松配雙抱青琅玕不露號寒態

疏篁寒雀

拒霜生秋江人誇好顏色韻絕水繪圖鏡臺閑吮墨霞綃屏弗御容華深自匿

墨芙蓉

分明黃金杯幻作烏玉琰戎葵非一族秋圃推上選看畫當飲酒此老興不淺

墨秋葵 辟疆跋語云然

寫出水汀勝依稀小石潭輕儵隊隊過花笑魚意慙何來紅蜻蜓咬葉如蜂貪

蘋花藏魚

月丹是豪客逞豔霜雪中號爲兒女花調侃蘇長公俄

頃迴春陽弱挽居然雄

設色山茶

白帝傲東皇能將葉作花異哉草中仙艷如桃李葩誤
引玉腰奴趁風雙翅斜

老少年

天孫淚所染青士應見憐菊婢更嬌好弄姿拳石邊秋
蛩解戀花昂然奮臂前

竹石牽牛秋海棠

我有薜蘿卷儂蘭得神似瓊閣一枝筆仙乎真具體南
田尙推重艷福如公子

墨水仙

寒砧不並飛紅衣眇儔侶多情隄上柳飄颻綰離緒雲

黑雨將至遡歸時盼汝

秋水文鴛

歲寒此尤物坡谷易名蠟

本名黃梅

媵以赤珊瑚天教兩美

合膽瓶清供宜濃香浮几榻

臘梅天竹

論詩四疊前韻

宵中自闢空靈境真樸無事才華逞好將禪棒當頭打
上乘頂禮皈依請務爲生澀學艱梗掇拾怪僻覲幽屏
繆種未必流傳永東南壇坫孰管領師子搏兔全力猛
如將將兵威權秉樂懸獨進軍夾額絺章繪句丹青炳
仙音縹緲王喬嶺驚擲鯨呿氣吞鼉天門詖蕩蛟龍騁
洪爐大冶鎔碎礦奔電追風兼躡影嘲彼礧磊生怒癭
萬丈光芒朱雀頸信手拈來談笑頃於今名士同畫餅
弱質可憐煩毫苻中正淫哇判喧靜絲抽不斷鹿盧綆

心匠勞勞鑄樂郢遂令地割襍媚杏埽除門面貢誠鯁
遙吟俯唱家舩舩唯其意到故奇警直湊單微露鋒穎
法律細密格嚴整饋貧糧足帙枯蛭遺址猶存董子井
豁開障翳朝陽暝或謂才多宜嗇省風雅論交今日幸
草堂歸去希李邕長篇短句奚囊併欸客有魚滿篝簪
此癖堪慰桑榆景醉聳山肩驢背冷

次貞翁前輩謝賈耘樵

益謙

廉訪書來將製醬醋

見惠韻

夜飲不廢黃金膏叩竹一枝健脚腰豈惟穿破鐵門限
酷暑弗辭鉛槧勞

時方校勘十
三經註疏

憐余病瘍日過訪三旬

倏已逾畢皋周湛轉運媿弗若累民竭歷輸薪茅官廚
草草乏嘉饗肥臙到口思橙椒爲言愛啖賈侯醬呼奴
提挈來紅橋苦酒祇應白於水漫誇色比桃花嬌潤州
太守苦搜索

薄鶴莊寄來
醋仍不佳

詩料未足遲推敲八珍主人

食單冠腥羶之氣全融銷秀才家風老猶戀肯卑蔬筍
崇椎牢先生所嗜本淡泊以官爲戲吾餐饗昨朝持書
發豪興策功獨讓中山毛宜涼必俟雷後作毋令蝨聚
精煎炮雙罌渡江圖可繪奚煩觸熱肩頭挑庖丁聞之
亦私喜甘酸美備南烹調禮經無難醢醬辨漢學那至
醢醢滑葫蘆枸杞梅橘芥數典幸免詩腸枵伏陰在內

薄滋味灌漑靈液通三焦

雌虎行

於菟爾何仁不猛樊籠伏處繩繫頸健兒餐餼殊殷勤
以虎市錢亦微幸虎城寂寂曩過之眼中所見唯皋比
曝書正當六月六班奴來自湘江湄是雌非雄幾類豹
纔離虎母學騰趯蔽天火織正赫炎忽地清風吹稍稍
不射死虎捉生虎解甲還鄉餘勇賈云獻元侯却弗受
見人帖耳虎色沮號貓麕狗各異呼小空曾爲善覺徒
陰精之陰易馴擾楚天月暈星流樞吁嗟那有食牛氣
得毋俛鬼楊梅醉山君驅汝下山去且向人間作虎戲

黃勤敏公竹筆筒歌次汪研山

荃韻

我藏九日登高圖七賢揮翰雲膜鋪又讀左君壹齋集
懋勤殿上天子呼如椽之筆擅三絕寶貴無異球

琺瑯前輩典型遠追游遺編具在思反隅劫灰零落五

千卷

公兩朝恩賚記賜書
五千三百九十七卷

隻手孰把頽風扶文房散

入廣陵市摩挲豈與裴鍾殊鰭腹能容管城子徑圍尺

二琅玕麤款鐫甲申京邸物公尙入直栖蓬壺太和瓦

研巧相伍豁開心孔窮描模

公太和宮瓦研歌云有是
時心孔開描模山水姿

時公年七十五筮屨待學東坡摹次年翩然遂初服不

向食筍齋中趨人海歸航筆屢試古桑書屋重抹糊竹

筒有六大小別

見公詩注

貪多塊視金玉儲

用公詩意

鯁生獲一

已云足招隱誓反王康琚惜哉垂老昧八法耽吟作草

愁鴉塗楚弓楚得竟成識

公詩云楚弓而楚得何待百年卜

邴原非復

西家愚芷岩丹青妙入古

簡上雕關山行旅圖係仿李營邱筆意款署芷岩

遂

教買櫝還其珠檀心堅栗此君友製銘者誰梁同書

余

有紫檀筆筒爲山舟學士故物鐫銘簡上

題冬心畫冊

桐稀竹瘦秋漸深門外一渠清道心老嫺廢書但枯坐
躊躇覓句無人和靜裏工夫學禪課

千竿萬竿翠簣簴千葉萬葉紅蓮塘圓焦新築水中央

陣陣香風引人睡醒時呼取碧筒醉

紅牆隱約烟中寺四松各有參天勢咽住寒濤待僧至
我知剝啄屢不應晚鐘亂敲塔上層

柳絲低垂蒲劍盡平湖迷漫漲新綠一人箕踞一棹舟
舟前泛泛忘機鷗問爾釣竿何處投

茅亭溪上聲颺颺有客欲去仍遲留黃葉多情打衣袂
負手跂足空傲睨悄然獨立動詩思

沈沈夜雨樹如墨風送一鉤斜月出銀蟾宛向波心匿
戴笠扶筇彳亍行側耳徐聽蛙鼓鳴

山榭一株紅似火寒蘆瑟瑟撐漁舸奔湍飛箭直到門

無多墟落三家村野色蒼茫天欲昏

題戴雁阿畫冊卽次其自題韻

一峰若眠羊一峰似插笏柴門傍江開畫亭不畫屋
誅茆山之均密樹蔽風雨巖壑足幽隱斯人慕巢許
杖藜欲過橋白板林罅閉霜風助秋色絢爛到雲際
榮枯俯仰間不競師止水一卷果嶙峋九仞基乎此
澄潭靜無波紅葉滿山醉移船藕花灣且向蘆中睡
山不與天連雲氣繚而合結廬在林麓放懷入虛廓
倚戶坐桐陰高人鼓琴倦祇因月輪缺冰絃調將變
蕭蕭澗邊篠弗是喬松侶羊求寂未來索居共誰語

白雲忽中斷蟠虬風獵獵請看石隱流何曾出山脅
紛然石筍排突起崇佛界山泉我思飲清冽同玉瀝

答貞翁前輩六疊前韻

年過半百將六十踈慵難奪經生席獨於聲韻有微尚
何幸重逢老仙客君家文孫好頭角

詩孫
工詩

四葉綿延風

雅澤涼秋曷不招使來大會蜀岡萃裙屐惡札祇堪覆
醬瓿改辱宗工量玉尺龍城飛將方稱雄狐穴詩人奚
用僻差喜拈豪簿書簡聊同運甕分陰惜繁余仰止東
洲山鬱勃輪囷壯才魄

調謙齋七疊前韻

君去安宜日逾十蓮花社裏鋪歌席風裳水佩齊嫣然
江上何來一狂客逍遙更訪縱權園

今改爲畫川書院

雪碑漢

畫捫滑澤六漫間邊潮已退檣舟柳陰快著展竹籬茆
含秀而野脈脈無言輟刀尺嬋娟生長珠湖濱略似枇
杷門巷僻回舟珍重向我言墮溷飛茵同歎惜問君底
事亟打漿良宵辜負琉璃魄

答謙齋八疊前韻

百千之能傲一十敢向騷壇爭此席性情諧際得深友
朝夕過從無俗客況君累葉多詩人戎馬馳驅珍手澤

君家先代十五種詩集遭亂獨存

就中墨春

軒名

年草富

侯齋節推詩集名

冰翠

堂名南溪大森然躡高屐重規疊矩足循守底用別求
命以此名集

金粟尺沈雄畢竟非粗豪奇警從知異生僻黽勉追蹤
古人後垂老蹉跎吁可惜相期共返小輞川涵養清虛
風露魄

題沈石田仿古小冊

見江村銷夏錄本
九段今失其三

亭前蔭三松亭右竹玉竿厥左秋爛漫霜醉楓人丹莎
逕野水流惟石紛巉岉亭中賢大夫緋衣裁其冠箕踞
手一卷有琴眠不彈意者休沐暇此焉少盤桓衡茅得

幽趣詩書追古歡

仿趙
吳興

村樹綠未齊問候剛夏首農工把秧針繡錯徧畦畝橫

架龍骨車甘霖降已久
迤邐墟落間不斷荷鋤叟
兩嬰孩追隨僮餉婦
阿婆拄杖行肩桶兒
避狗門前挂青帘
糟牀新醅酒

仿趙干里

屨屨插天半蒼翠
看不足岩坳絕靜邃
好築數椽屋一犬吠
山口柳陰路紆曲
緣坡更蕭森高下間
松竹果然秋如妝
分豔楓與榭
端應愛紅葉踽踽出
空谷曳杖水亭畔
逍遙緬高躅

仿惠崇

秋林倏半枯
威屑降層穹
亦有抗節者
凌寒尙葱蘢
縱橫石犖确
不見山一峰
潄浚滙成溪
懸崖下飛淙
筆所未到處
蟠結詩人骨
板橋達幽徑
痾僕自支筇
借問叟

何往過溪賞芙蓉

仿王孟端

金天氣肅殺撐空怒槎枒孤飛續投林晚陣收寒鴉忽
驚茅屋側簇簇紅霞秋容妙渲染霜葉伴春葩涼颼
戰叢篠暝色迷蒼葭船頭漁父立似愁歸路賒漁翁後

搖舳移船就田家

仿趙仲穆

鹿冠老人歌寫出圖中景遠山劇有情照水黛鬟靚密
樹如點苔叢蘆罷拙籜秋來茗雪溪文波縐千頃無駁
采菱女離家掉舴艋姊妹慣折腰

菱名青冰亦菱

莫嫌

香光妬李鸞絕意師細沈

見董跋仿趙大年

後院竹籬絲瓜作花絕可愛龍以一絕

耕烟妙仿徐崇嗣始識天羅絮有花

予藏石谷藤果卷有此花欲折

黃金杯在手青帘同仿酒人家

二知軒詩續鈔卷十二

定遠方潛頤子箴

古今體詩一百又四首

辛未六月
至十二月

題唐六如祝枝山竹爐圖詠卷用曝書亭聯句韻

慧山第二泉亘古雪花歎以之比南泠約畧味少遜去

年過潤州烹瀹償素願

客春始飲揚
子江心泉

想像卷中景扇爐

童髮鬪今春抵梁溪冒雨怯登頓長夏偶披覽編筠巧

曲輦狀如乾坤壺玲瓏高數寸用備水火風卦兼離坎

巽滑侔象牙削虛受餽炭煖文定兒奇古袒胷目矚矚

性公隅坐陪共試雨前嫩爭勝四圖外甲乙姑勿論

山

竹爐圖四卷其一爲王紱一爲履翁一爲吳琨又一司

則早失之

純廟命張宗蒼補圖此卷不在其內

寇博徵引

秦小峴司寇修錫金合志載竹爐端委甚詳

可爲藝林勸倡始王

孟端銀光濡墨渲良工出吳興陶泥陋下畝手截青琅

玕有若葭萌蘗斯時聽松庵留客戶難捷自從歸潘克

誠楊謨

塵俗與僧遠方伯

秦夔

能返璧侍郎繼模憲

製

於洪武間至永樂間爐歸潘楊二家秦方伯取還庵中

題詠更多而爐漸壞盛侍郎冰壑命簡子舜臣仿爲之

平頭好容鈹款足或肖膚純廟昔南巡閣黎煮泉獻

宸章迭頒脫夾道蒿呼萬邇來新詠堂稍稍窻獲貓

山房改祠宇

竹爐山房近已併入昭忠祠

捫碑剔榛蔓

御製詩尙嵌壁間獨

念顧梁汾懷古意勤綬兩爐重仿製孰敢誚麟援

梁汾竹爐

記云舜臣所爲爐亦壞二圖僅存其一予重作兩爐位
攜一入京師復在成容若處得孟端西淮題詠卷子
置積書巖了不著微全重以天子筆

乾隆間四圖爲
無錫縣令邱某

攜去重裝竟燬於火事聞純廟御筆補寫首卷命
六下及宏許董誥等分補二三四卷并皆補書前人題
詠仍付庵僧收弄兼賜王珍秘儼圖券溪山還舊觀什
綾溪山漁隱圖以償其失

襲牛腰繫茲圖未進

御翻免祝誦恨任逸唐子畏林

泉樂肥遯狂草枝指生幾欲懷素涸流傳到春明居奇

僧僧販

于漢卿得此卷於京
師琉璃廠索直甚昂

秋聲閣中物攜回召伯堰

渠几三摩挲亦足破孤悶詩畫皆妙品清空無滯鈍當
年海波寺紛然旂鼓建於今寶米齋挑戰各雄健圓壺
作虬蟠滿甕注龍湫微器荷天寵此君尙何怨

研山爲余作題襟館消夏卷又拓竹筆筒關山行

旅圖并皆佳妙詩以謝之

摘句圖成乏報瓊

君前年寫二知軒摘句圖相贈

重開詩境寫無聲細

看筆墨痕俱化小試瓊錐技亦精月檻風廊人曠逸
巖叢鳥道路分明相期更鼓吟秋興飽嗅寒香醉百觥

題李嵩蕭照合作思陵瑞應圖

夾馬營火光起趙檢點作天子炎宋開國識謠始南渡
偏安復如此紛紛求活小朝廷竟忘塞北蒙塵恥翻道
渡江泥馬駛天意依然屬天水不信請觀六圖裏是時
畫院推兩雄厥惟蕭照與李嵩嵩師承訓照晞古樓閣

界畫松石人物一一靡不工想其奉勅踞攤卷手搦寸
管樞潛龍三箭連中飛仙亭脫袍衣王王夢醒磁州白
兔馬前躍滏源婦給追騎停河冰甫圻已登岸顯仁棋
卜真通靈九宮擲入受命新吁嗟乎鳳凰山上侈瑞應
格天閣起同稱慶曷不一圖五國城計日還朝迎二聖
題石田仿古大冊

握扇桐陰坐風來皺透穿蕭閑一居士俛仰兩胎仙物
我忘機樂琴書畏暑捐侵尋童倚樹遮莫待烹泉

仿趙大年

桐陰觀
鶴圖

水榭憑欄眺蒼茫野興多晚烟橫浦嶺密樹點坡陀試

問棲巖僻奚如在澗道自然清氣得蓬背墨頻磨

仿巨然

跋云清氣可愛
郡城歸舟記此

垂柳三株漾圓荷萬葉浮憺然離水閣相與快凝眸

灩香如海纏綿綠到秋塵氛何處著瀟灑集朋儔

仿夏圭觀

荷圖

擔囊追不及振轡已登橋大有奔濤

王榮
壘名

勢懸知去路

遙雨零花縹淡風舞柳絲嬌隱約茅亭見村沽酌一瓢

水西策

寒圖

爲訪支離叟偕耽坐隱風斷崖馴獨鹿乳穴出雙僮當

局迷成敗旁觀噉戰攻鏗鏗徐落子響咽怒濤中

仿錢
玉潭

幅

豈是爛柯山神仙兩髯斑塵中無敵手洞口不思還雲

滃遮青甗雷轟滙碧潺笑他嚴馬輩日困一枰閑

仿荆溪吳

大本家藏王摩

詰山居仙奕圖

稚子清泉掬休煩調水符幽人盥澹憇共試聚風爐森

森一溪水亭亭三碧梧此間真曠逸有興醉皋盧

仿吳興周

氏家藏趙松雪

桐陰煮茗圖

修竹萬竿青冰絃鼓不停花紋初斷裂指法劇瓏玲翦

髯三奴侍垂頭一客聽分明秋籟作羣雁叫蒼冥

仿趙仲穆

竹林聽

泉圖

喜遇囊琴客同爲踏雪人天公爭戲玉世界幻裝銀嶂
嶺千重失樓臺幾角皺獨看髡柳舞暝色暗前津

雪景未暑

名

板橋流水曲忽抱蜀桐來老屋秋林內頻將卷帙開編

籬通宛轉列岫聳崔嵬境地何幽遠遙思蠟屐陪

仿黃子久

平遠秋山裏村村景不同善摹洪谷子妙絕石田翁藝

事推江左薪傳衍北宗粗株和大葉識者是眉公

仿海上顧

氏荆浩

秋山圖

壁樹凍雲高沿溪築柵牢空庭方促坐深港亟投篙習

靜人非嬾衝寒爾獨勞幽居橫略彳門外可容舫

仿杜古狂

贈吳小軒

長慶

軍門五疊前韻

讀頤賈祭古名流虎帳談經夜未休上將聲威震淮甸

通儒氣節冠湘州

尊甫蘭軒先生舉制科
殉難廬江

贈太僕卿座延珠履三

千客手握鵲鈴二十秋何幸邗江風雪裏爲君歸話嶺

南游

子去冬自粵東返
揚州始與君訂交

飛舞龍蛇墨海波

君善筆
篆書

一鞭乘興卽來過刻舟自笑

迂拘甚投筆翻增感慨多漫譎尖義工門韻不圖競病

有高歌蜀山倘遂幽栖願策蹇還尋治父阿

君卜居
治父山

送謙齋歸里六疊前韻

浣花宗派李何流壇坫爭雄不肯休香象要須追輞水

家鷄偏獨愛廉州

君新得員照畫冊

去看浩渺中江月歸趁蕭

森二峽秋

君由皖返廬必經桐城之南峽北峽

蝨隱遺園翻寂寞採梅還

作廣陵游

返照萸灣窄堵波嫩涼天氣挂帆過曾無宿物靈苗長
囊有新詩束笥多倒屣相迎偏折節唾壺已缺尙能歌
年時拋卻防身劍跡迹都應避史阿

贈仲猷表弟七疊前韻

揆藻鋪棊徐庾流高門通德佇揚休神駒墮地傳臨晉

天馬行空徧益州

君生於朝邑隨宦蜀中襄校學幕頗著文譽

把臂燕臺逾

十載論心邠水又三秋知君身有仙人骨定向蓬萊頂

上游

漫天無際湧鯨波鼓盪雙輪一瞥過

君曾航海

從此別風淮

雨少

君在淮南書局勤於校勘

本來三筆六詩多諧聲早辨秋千誤

君與諸同人分纂韻謁一書

數典能詳悉二歌難得笙匏齊奏響雅

音終覺遜陽阿

立秋後殘暑未退八疊前韻留謙齋

正喜裁箋雅韻流如何放權忽思休伴予細品中冷水

願爾遲歸南合州難得敲詩度長夏不妨賞菊到殘秋

近聞養志

園名

幽居闢暇日提壺出郭遊

觸熱生憎起叔波

見法苑珠林猶言分別時節

溽蒸俄頃雨風過曉

來讀書開軒爽午後攤書插架多茶社故宜鴻漸癖瓠
園況有盛叢歌君家拳石堪相伍底用匆匆返谷阿

題襟

館假山巖
穴玲瓏

去年廣州所作聯牀話雨圖倩王小梅

素

補景成

長卷九疊前韻題寄子嚴

敢云坡顙傲凡流傀儡牽絲喜暫休一自遄征別章水
那圖會合在炎州君來我去珠江岸語重情長鏢院秋
鎖院聯吟樹臣樵雲
與弟皆有懷子七古
聚首依依才廿日何時重向海天
游

豐穰淮浦慶恬波彈指流光九夏過性耐浮沈緣病久

予今年春
夏皆患瘍

地居絕轂得朋多

題襟館消夏同人唱和兩月之內得詩三百餘首

卽今蘭室偕賡唱

寶米齋益蘭盛開日與蟻叟謙齋叔平撚髭覓句

遙憶槐陰

獨嘯歌爲語披圖更招悵不曾同陟頂湖阿

寄子聽十疊前韻

新綰銅符惠澤流訟庭草長吏人休鉏耰大可參秦嶧

弟藏碑

闢振居然識趙州

弟得東魏所造釋迦佛石像

板甚富

梓舍承歡工製錦竹林選客正觥秋三零二孔無難繼

乞蟻叟書寶相堪額故及之

已有循聲達上游

望穿飛雪困熬波不意高軒竟枉過

謂蟻叟

學道未應唐

風棄讀書方覺魯魚多

淮南書局近校刊十三經注疏

期君雨後垂簾

暇會我風前擊鉢歌聞說扁舟停泖水夜來夢繞九峯

阿

研山爲作題襟館消夏圖十一疊前韻

待引清泉繞竹流綠陰滿院聽蟬休客來皖水兼湘水
詩寄端州更秀州維繫情殷駒出谷分飛道阻雁鳴秋
渾如按譜填詞易急就名篇學史游

浩蕩詞瀾綺麗波文章未必古人過輸他樹色溪聲淡

陋彼鬻頭鼠尾多且喜甘霖頻應候還圖秋禊莫停歌

邢上題襟集有題甘霖
應祈圖及秋禊圖詩
蕭疏自有烟霞氣不讓華陽戴

眉阿

子新得賸阿畫冊
此圖筆法絕相似

自題寄傲圖十二疊前韻

陶公嬾作折腰流三徑荒蕪且罷休去矣何曾戀彭澤
欣然原不近江州遙歸五柳孤松在盼到西田下澗秋
我寄南窗動微尚委心任運與天游

鏡面纔鋪熨貼波奔騰又值大風過從知見巧狙山異

莫道高談虎帳多

羅隱詩虎帳談高無客
繼馬卿官傲少人同

保美康娛騷

客賦昨非今是大蘇歌步兵鎮日昏酣賣

郭璞贊阮公
昏酣而賣傲

毀譽由他卽墨阿

穠小雲

樞

旣爲予作寄傲圖復宛其繪予及兩男

稚女並長孫小像於橫幅之上乞蓮溪和尚補

景顏曰蜀山草堂圖十三疊前韻

傳神阿堵顧癡流方外交推釋貫休隨意濡毫師海岳
在曾成竹仿湖州更無冷水三間屋獨愛肥津一角秋
笑語兒孫吾老矣便思歸去挂錢游

宦海茫茫感逝波流光飄忽白駒過四千里外奔馳慣

十二年中變幻多戎幕暫拋長劍佩謂大兒夜窗毋忘短

檠歌單椒秀澤堪終隱笑事探幽五嶽阿

新得板橋竹石大幅贈謙齋並系以詩

森森梢梢竹六竿一卷閒過千峯巒欹斜弗取取勁節
先有泰岱曾中蟠板橋居士善題畫俗眼不識動云恠

是竹是石還是人筆端劃定鴻溝界東洲見之劇稱賞
謂余舊在平山挂王郎愛學板橋書請看此幅龍蛇如
作座右銘數行跋三復斯言同棒喝

次漢卿養志園消夏用韓孟納涼聯句韻

時方望雨

郊居懶出門不見幾旬朔置身在山野遁跡避囂濁用
強伴王筠狀景匹胡擢儼登冰井臺載躡寒童嶽蚌采
霜晶瑩龍皮雪瀚澗濃陰障赫曦曲澗吼飛雹引絡胎
休文刺筍醉公慙清涼定後禪雄美睡中樂恥作附熱
蠅願師浮休驚池館百弓闢城闔千里遯盍簪廣應求
倒屣亟吐握湘叟洵兀傲

謂貞翁

肥竇信奇卓

謂謙齋

因之

評月旦候爾露芒角蘭室偕推敲

寶米齋素心蘭一
盆開三十餘箭

瓠

園屢剝啄

頻索侮
餘和詩

清風故人來甘澍彼蒼渥但將魚腹

鋪那顧塵柄捉心思返茅茨材本非棟樑爲呼橐駝至

庶免牛山濯軒庭面平坦戶牖倚确犖

子免芷春三弟
明年於廬州大

蜀山種樹
爲築草堂

炎趨畏坐飯冷處誓抱璞時方盼歐窶澤乃

靳禾稱蠶摩一彈丸薰灼大圓殿炙手何蟲蟲汗顏頰

齷齪懸知課枷板亮已罷斤斲迨秋未捐扇有客正橫

槩

謂吳小
軒軍門

驕陽午仍熾爽氣曉徐覺離塵獨閒靜體物

善圖兒所冀酷吏去無妨老農學蟪蛄村畔嘶熠燿草

根撲浩蕩容酣嬉拘囚困羈錐蔭暘就杉檜探幽尋葦

約嫩玉藕絲斷圓珠芡韜剝佇卜雨師降奚憂旱毋詠
麥空沛滂沱峻阪滋磐磻吳郡田苗枯海陵祈禱數惆
悵溼絮翻咨嗟瘦筇擲謂貞翁遶條遶安便襍穢白慙朴
繁余欲過從期汝共研摧拙毫恣揮洒入耳怕噓喔芥
片渴易消蒸壺爛可欸五泉近結社七峰遠張幄蕭辰
退殘暑觴詠謝鏞琢

七月初六日課安定梅花兩書院士子於泮宮秋
暑猶盛因揮汗走筆和漢卿詩詩成日夕大雨
如注復用韓孟秋雨聯句韻志喜索漢卿和

未容郊原游偏值文字會玉宇晴雲鋪壁池曙煙靄晶

哉精於勤媿矣居者泰那圖校士場直若投金瀨宮墻

萬仞崇庭樹十圍大紛紛目潤珠密密蘭雜艾夏課候

已荒

六月因府試停課

秋陽轉不奈出泉善養蒙麗澤願商兌

禹門罷飛騰淮浦歸擊汰

公車報罷南返亦於是日輟別

角藝俎豆旁

得閒簿書外傑閣耽吟哦

子生尊經閣下

中唐亂嗽噦尋思梧

葉墮想像稻花翻農夫盼正殷天膏驟然沛四圍覆暝

色一霎散爽籟誰令屏翳窮動遇箕伯恣寂不推雷車

昏才挂山帶憑仗蛟龍威盪除螟螣害傾盆倒江湖懸

溜溢溝澮以詩作禱祈凡民胥利賴竟爾垂眷佑奚庸

問菩蔡維神廟貌新涓吉酒醴酌

贊化宮新築龍神廟將落成

階前

九流凍村畔彌戢膏盤古山脊撞伊婁水砰礚濃疑鼎
銀線珍疣落璣貝清冷囚耕父墉櫛兆天膚劇愁尙炎
蒸何幸溥沾丐將扶織女輪旋舉娥阿軟壁蛩聲暗咽
巢鵲羽息翮荷篠競著屐提壺共張蓋巍峩雄坵擅淺
陋遁曹鄴看建太將幢爭收眾軍旆剪燈快涼宵拭鏡
豁蒼靄緬懷臥林壑高蹈軟埃壚酒傾鵬夷壺筋下鱸
魚膾自從郭西荒獨數園中最欣瞻潤澆確彌望等萊
浦墜緒沫泗振湛恩昊穹霽行行登蜀岡縱嘯諧五太
秋雨初霽喜吳定生至卽席用韓孟雨中寄孟刑

部幾道聯句韻

我爲農氓歡輒下天公拜矧逢良友至

箴

聊共酒樽話

殘滴停階除

叔

清颺漾塵界放眼萬景澄

謙

披胸大塊

隱衣冠謝拘束

定

城府開機械琴川故稱豪

箴

肥水竟

呼怪盍簪氣相求

叔

拔幟勇不殺欲別仍遲留

謙

小住

且閒邁濕雲歸山阿

定

淺漲溜江介潤滋積蘚斑

箴

淨

洗老柏疥四井緬襲哲

叔

一喻信奇快舌本翻波瀾

謙

心兵角矛鍛流連忘形交

定

真率貢諛誠邇來腰腳強

箴

予骸

久矣背盲瘵曷不痛鍼砭

叔

坦懷泯蒂芥曷

不嚴糾繩

謙

努力策罷憊縹緲富蒐討

定

插架防蠹壤

江河廣輸納

箴

倒峽駭澎湃鴻通壯逢掖

叔

魚雅陋駘

赫神王星上捫

謙

興飛月倒喝陣前迷黑白

定

局外論

成敗新涼處暑逾

箴

令節中元屈庖丁技弗工

叔

遑問

千斤髒滑稽強效朔

謙

臧否懶詢蒯文仲言可師

定

動

遭雙尾薙如瓶座右銘

箴

覆轍路旁戒禿髡頭漸童

叔

枯腸肉貪嚼悲秋迂宋玉

謙

談道服衛玠臭親葳蕤蘭

定

日飽琳琅薤徐徐莫衝泥

箴

訝彼獨行夫

叔

答悔餘十四疊前韻

足傲巖棲谷隱流酒龍詩虎興難休連朝得雨滋蓉壑

一路看山到蔣州

君將游白下

靈氣含濡金掌液虛懷澄澈

玉壺秋十三樓已叢荆棘自開平泉任客游

伊婁河畔起文波，倏又仙期七夕過。世事紛紛抽繭亂，

離懷悵觸轉蓬多。

謙齋將歸

重修曲水流觴禊。

賓谷先生且有秋禊圖

聽圓雲散雪歌池，館涼生殘暑退，醉邀蟾魄下林阿。

七月十四日雨中話別疊韻聯句

天上羅雲凝不流。

子箴

束裝翰墨有湯休。

蓮溪和尚爲謙齋畫扇

笑余久別東浮渡。

叔平

與客偕歸南豫州。

先擬赴皖正春拉余歸里

獼猴征帆低曳雨。

謙齋

濛濛山樹遠涵秋，明宵看月松

寥閣。

箴

足繼髯蘇赤壁游。

叔

招提成市酒生波。

叔

彈指鴻泥喜再過，別意不隨江水

盡。

謙

吟情猶戀晚香多。

預約謙齋至題襟館賞菊

將軍好客停燒待。

箴

謂吳

小軒軍門賤子編詩擊節歌

時編次消夏集

刻燭遲君重索句

叔

幾回夢繞小山阿

謙

贈定生十五疊前韻

鴻才肯學棄繻流累葉清芬荷寵休莫厭瓊爐依畫省
佇看旌節夢刀州滇黔土馬流離戍秦巖烽烟莽蕩秋
畢竟度支歸掌握黃金臺畔願重游

鰲擲鯨呿大海波居然談笑拍浮過紅羊浩劫雄豪顯
蒼狗虛空變態多縱酒壺園搗羯鼓擎舟香阜聽饒歌
小軒與君同宗崎嶇歷盡亨衢達襟抱從知運鼎阿
時駐軍香阜寺

答定生十六疊前韻

編爛壁合更珠流轉戰奚庸卷甲休邦上詞人追復社
皖南風雅數猷州曾爲丹荔黃蕉客

君曩游
粵東

慣寫空山

老圃秋

君工畫
蘭菊

好待市河疏浚後放船同向六湖游

妙訣能參隼尾波

君善
論書

衝泥頻枉雨中過庶驚拔幟自

成隊臣善將兵不厭多

君後至已八
疊消夏韻

離索有情增別感

謙齋
已行

沈寥無際動商歌寄聲欲訪蕭思話閑曠終須老

曲阿

貞翁前輩見眎四詩疊韻奉答

七月十一日壺園燕集

聯違京洛歲逾十

兩宮訓政勤側席恭逢

慈壽普

稱慶特假名園宴佳客玉堂詞臣老彌健皓首窮經酒

古澤江湖時有戀闕心匆匆祝釐韓易履

前輩每逢萬壽節必向

闕行三跪九叩首禮

令節雅宜音繞梁秋霖更喜泥沒尺不因

真率廢拘檢卻歷喧闐耽靜僻興闌扶筇便歸去炳燭

餘光自珍惜金根紫扇上歌頌霽月當空耀圓魄

廿日書懷

上壽可登百二十耆年重造延英席正思子舍冷曹郎

謂伯源

遠伴壻鄉枚馬客

謂吳子儁吉士

德門科目傳四世尙書

清芬綿厚澤龍孫頭角尤崢嶸顧盼卽奮青雲屐雙鬢
渡江和章至聲調宛中荀最尺吳趨久住憚遷徙劫後

蜀岡成陋僻餘杭淮陰互來迓浙江楊石泉中丞聘主
孝廉書院張友山漕帥
復延請重修
淮安府志
徵文考獻增眷惜新涼把盞吟獨豪孟秋
條已哉生魄

素心蘭

山林蘭一蕙則十士夫輒奪君子席要知白花重閭產
匪等紫莖賦騷客我嫌魯直論太苛未許零陵比瑩澤
素心樂與晨夕共閉門嬾著尋山屐是名魚鮪壓潘趙
亭亭出葉高徑尺逢秋如春絕爛漫有香無色甘介僻
黃鸞綺石仿摩詰分付園丁勤護惜允宜胙土馨列侯
姑射輸他玉雪魄

證昔東夢因悔餘

年過七十若三十終日劬書據檀席勸予疏浚小秦淮
扁舟徑渡平山客保障河邊臺榭多漫數辟疆同梓澤
不斷紅霞艷雪妝亂踏九峰卷石屐一自貔貅屯萬竈
彌望蓬蒿長千尺昔年覓句桃花菴此日游蹤忽稀僻
西山最近徒夢想東園未到頗追惜詩翁徘徊清燕堂
掩卷狂歌驚竹魄

題叔平三生夢悟圖十三疊前韻

心出家僧頻合十占得蒲團思割席是真是幻女郎身
卽空卽色逃禪客趾離導引香雪海瞿曇溥降花雨澤

兜羅乍卸換水田隻履堪穿勝雙屐已通五覺證六如
能空四大拋七尺八垢消除自清淨三緣了徹奚怪僻
世界都被塵障蒙頭陀每爲衆生惜還我本來一剎那
晶瑩好濯冰壺魄

秋窗雜感

西風太無情吹散題襟客過歸小剡川

謂謙齋

江上挂帆

席正愁壇坵孤忽愴泉臺隔

次垣一病不起竟於七月二十四日下世

壺園

不成醉

十二日壺園之聚次垣抱病先歸遂成永訣

二監隱相阨我昨過倉

巷涕淚兼咄咄荒荒遺稚弱雙親頭已白病弟臥講堂

謂介臣

聞耗恐增劇猶記十日前夜窗同對奕論交卅三

載忘形吐肝膈功名念全灰垂老抱書癖暖叟彌淒然
向誰還簡冊

方春久病瘍驚傳故人死悲哉赴偕來生前書一紙

孫雪

筠三月卒於江右未沒

更有湯太常

謂敏齋世丈

別逾十年

矣吳趨重握手卽呼僕進醴迢遙餉雙鬢信比市沽美

瓊瑤惜未報薤露歌入耳揚州兩寓公雲車後先駛告

我日寫經見客著朱屨扶病入江園長臥竟不起

謂張石卿

丈甫稱五十觴談道悟圭旨如何觸龍雷頓涸玉池水

謂許次浮生等泡幻富貴若敝屣不朽曰有三庶幾足

懋恃

秋雨降太晚山田苗半枯江甘兩邑間豐歉判然殊放
晴卻可喜奮揭繁有徒市河六百丈次第通塞於臂猶
人血脉中暢外斯腴遂起小虹橋並浚保障湖一糧達
蜀岡重九堪提壺所冀淮敵川大賈爭量珠勸之築平
山當不吝錙銖散者亟宜整密者仍須疏浚矜動見肘
毋乃心計粗

攷畫筋錄無小虹橋
之名因改名問月橋

郡志闕弗修云已六十年每虞度支絀因循姑舍旃矧
茲兵燹餘文獻嗟無傳使者再下車亟亟思訪延眾皆
曰不易紹述待後賢人人存此心古跡終埋湮薦紳獲
同志

謂晏彤甫下
領臣兩先生

鳩工趣雕鐫

七月二十二日開局重
修揚州府志先補月缺

頁

遺佚廣搜羅艾茅擢蘭荃挂漏與浮濫紕繆奚取焉
十室有忠信時髦讓華顛秉筆屬通儒舊萃成一編作
歌詠來者望引開其先攤卷化騷屑性定身安便

賀仲復觀察調任滬上

萬株新種沈公桑使者賢聲達九閭丁卯橋邊移繡斧
春申浦上逐壺漿目空龍象江能吸

君於焦山頂起吸江樓

氣攝

鯨鯢海不揚來歲吳趨迂道訪爲開東閣醉千觴

趙粹甫

佑宸

太守用予賀仲復韻枉投二律依韻

奉酬

曾登日觀覽樽桑

君曾視學山左

銅虎分符下闔閭布化英髦

沾雨澤飲和黔首醉天漿漫云侍從承明厭特簡通儒

淑問揚久別蓬瀛眾仙侶不圖江上共壺觴

時同泊瓜洲

無垠心計媿研桑按節翻虞鼓過聞忽阻風帆停桂楫

欲開雲幔乞松漿

中秋無月張耒詩新月作松漿

政聲會見儕龔召才

譽由來匹馬揚書味填胸霏玉屑知君隨處有謨觴

答仲復四疊前韻

岐山小邑固苞桑

尊甫桐川年丈前宰岐山有政聲癸亥回匪薄城間公尚在城中否公扶

病登陴回眾膜拜

抗疏

彤廷屢叩闕

君爲講官時回匪攻鳳翔宋端

而退城園立解

卿舍人遣人走京師馳書告急君三上封

懸鏡虛堂爭

章劾大吏舉鎮將鳳翔遂得轉危爲安

技薙揮戈比戶樂提漿掖垣自昔丰裁峻治譜於今世

德揚晚節要同韓魏國雅歌先有菊花觴

九月初十日
爲君五十壽

辰

風雨久泊瓜洲詩以排悶

濕雲濃罨氏父山游興欲鼓天公慳江干連檣不得渡
聊復坐隱蓬窗間今夕中秋無好月嫦娥寂處銀蟾窟
誰將絃管一吹開看舞霓裳出宮闕

過養志園訪漢卿不遇

幽居鄰蜀岡出郭才七里穿渠駕略約曲徑通迤邐參
差屋編茅樸素謝華綺翠蓋荷衰齡金錢松稚蘭芝蘭
滿庭階

君有丈夫
子八人

諷閨色爲喜有田可躬耕奉母足甘

旨因之鼓詩興鞭辟乃入裏

君三用韓孟聯句韻與子唱答

但聞木犀

香不見猗玗子主人方遠遊拏舟泛淮浹草堂圖已成

予近繪蜀山草堂圖

觸我歸思起馳書告惠連

謂芷春弟

早爲闢榛枳

曉望

鼓櫓晨雞唱勞勞那得閒軍容壯香阜秋色老萸灣隴

畝黃雲熟旌旂曉日殷撚鬚還一笑柳肘竟忘屨

予左肘又

忠

哭吳介臣同年

去年嶺南歸訝君露衰態屢向阿兄

謂次垣

說不止病在

肺君好學神仙自謂入三昧玉池靈液枯日以酒泉漑

獨眠如老僧大洞

經名

探奧祕勇哉斷情根慧劍能割愛

旌談漏三下令我難置喙今春我病瘍術齋君數至見
君忘痛楚抵掌劇稱快題襟吟社開惟君忽引避久之
始一來君兒益顚顚爲言啖瓜果暴下遂疳瘵我勸君
慎旃毋貽口腹累孟秋月初旬君來更狼狽垂首面深
墨使我心惴惴壺園呼阿兄亟謀進藥餌阿兄時亦病
有酒不成醉傷哉甫旬日瞑眊竟長逝君遑視兄殮臥
病講堂內留君奉雙親甘旨庶不匱白頭強撐拄對我
揮老淚人曰君稍瘥止泄賴薑桂復聞飲獨蔭補救或
可冀八月十二晨凶耗那堪再走告東洲翁掩卷共歎

欽君家兩弟昆偕奮長安轡與我訂久要沆瀣聯一氣
誰知命途舛中道遽顛躓前年到邗上得筮同人卦循
陔樂怡怡多士服善誨有兒嗣書香文孫頭角異高年
逾古稀且喜見四世君福殊過人君性顧恬退束躬太
壁堅琢磨溫以粹樞紐識主靜法門原不二升天胡太
速浮生等蟬蛻狂飈雁行摧填簷響全闕阿兄地下逢
子然閔予季猶記每遇君輒索償字債十餘年來乞
君篆書未得臨
風賦大招雷塘莽無際

吸江樓次嚴少藍夫人

永華

韻兼謝畫扇

仲復之配

使者真風雅幽探二妙亭

亭址舊爲浮圖在西峰頂明
洪武初毀于火宏治中郡綱

妙福僧妙瑛就瑤基建亭名曰吸江至乾隆二十六年
亭圯改建東峰頂名四面觀而吸江之名不傳辛未春
仲復登山顛見亭將傾出俸錢改建爲樓仍名吸江作記勒石
福亭爲志
雲氣層巔豁鐘聲下界聽公餘逞豪興到此

醉壽溟

攬勝一登樓江光筆底收

夫人繪三山勝概於團扇仲復并書和游焦山詩二章相

贈

竭來風雨夕悵望廣寒秋

中秋風雨與仲復同泊瓜州

閨閣丹青

重名山翰墨留

夫人詩已勒石

經霜黃葉好去去快凝眸

再答粹甫疊前韻

會見輪囷夢井桑干霄直上氣排闥山橫北固成天塹
泉汲中泠儼露漿戶外懸鞭心惻怛花間按拍韻悠揚

君丁鶴林遮莫仙蹤遇邀客偕傾九醞觴

填詞
急就應歌尹李桑律書風信驗西閭多才幾許思抽繭
有味渾如渴得漿臺閣文章真典贍坵壇旌旆故飛揚
待躋浮玉新樓觀乘興陶然一舉觴

壽仲復共八疊前韻

充聞自昔慶蓬桑步入形廷鑰啟圖天上神仙雲作
錦酒中大戶海爲漿獅蠻雨熟占豐稔

重九後一日
爲君壽辰龍

節新移喜夬揚久矣寸田勤灌溉心源活潑水交觴

正擬中流訪固桑如何鼓枻向吳閭難穿鐵甕森嚴壘
誰挹金莖沆瀣漿好客夙傳投轄雅避喧偏值遠帆揚

杭州閭畔秋光好還約登山再命觴

湘鄉相侯至京口大閣公讌於金山江天寺

寺於今夏

落成

行邊講武彭城回蜺旌直下邗水隈史祠匆匆一展拜

渡江共酌黃花杯元侯使相勛蓋世指揮部曲皆韋裴

東南再造百廢舉妙高重築山中臺白雲

輪船名

滄海忽

飛至晚秋淨土叨追陪鸛鵝羅列絕巖整魚龍走避無

喧豕舊游僂指逾廿載吁嗟佛國生蒿萊遮障鐵囊盜

披靡護持玉帶僧歸來曩時孤客泛舴艋此日盛會陳

樽罍上躋層巖

留雲亭

下深洞

裴公

不覺奮迅驅駑駘誕

登誰如我公健黃童白叟咸歡哈浮圖猶記躡五級鼎
靈何幸瞻三台安不忘危肅軍政以云游及殊恢恢天
塹波澄洒微雨笑口齊向秋容開吳興使君識泉性仲復
新作中輞川後裔雄詩材謂王王試操不律狀茶火放
冷泉記 鷓門內轟晴雷

泛舟游平山堂用壁間李蘭卿彦章年丈九日獨

岡登高韻

四座傳花歡命酒文章太守說歐九而今賴有雪航僧
瓦礫堆邊能補柳不到平山三十秋滿眼荆榛絕非舊
贏得詩翁默惆悵傲霜枝比去年瘦雪航送菊

問月橋頭氣蕭瑟主賓偕泛扁舟一

同舟者英式梁太守湯春舫大令于

六顯參軍而于漢卿及許

間仙別駕先在蜀國相候市河浚後草河通冒寒人爲

鳩工出

擬重脩

片令前賢遺蹟湮結願難忘度嶺日山

靈笑我太遲暮期過重陽十有七

二十
六日

乘興清遊勝休沐近郊快靚女桑綠紅梅早放兩三花
花若有情來伴菊八家名園在何許聞道偷兒欺白足

珠茅未就且莫歸憐爾荒寒如大蜀

廬州
山名

紅日不透松陰涼猶記初度踏崑岡蕪城續賦鮑明遠

自開戰壘山無堂去年甫讀畫舫錄布景可匹洵與洋

鮑洵鮑洋

見畫繼百餘年中感興廢蘆花作雪風迷茫

五亭

橋名

捨舟將岸登地脈墳起何陵嶒山鄉田父慶霑

足種麥得雨符休徵懸知堂成夜市集湖心萬點明漁

燈更須添築治春社

擬修復治春詩社兼設課桑局

紅橋醉擁冰輪昇

影園有客形不勞

漢卿之養志圖即影園故址

居鄰蜀井惟嬉敖惜

哉緩叟返吳會未獲共踏層崖高別開生面敵禪智

洋洋

有禪智唱和集

古人往矣今人豪隔江山色總平遠天留真賞

歸吾曹

用永叔詩意

袁疎秋

振蟾

孝廉以詩見投次韻酬之

公輸之巧離婁明規萬必陳匠氏庭才華要從根底出
不然動乖定盤星經生家言孔鄭學息息相通磁引鐵

之子萬選皆青錢，願筭況侔邊。孝先壻鄉無如北，譙好

君爲薛淮生
侍御令婿

三隱石室，洵安便忠義。一門抗奇節，力耕

天爲留研田。龍蟠里中尺書至，

恩農薦君
入書局

羨他講舍磨

松烟。邇來詩人集邗上，白戰共賄銷。寒筵後先文采互

輝映，

擬刊題襟
館唱和集

臥雪高風絕祈請，勿荒菑畝勤修治。顧

盼釋褐著錦綦，陋儒空疏強塗澤。風雅遂令吾道衰，長

安喧闐盛冠蓋。幾人嚮往亭林祠，

奮來
詩意

懷棣珊宮詹次二月見贈詩韻

文章老宗匠，迢遞天南去。我適自粵歸，邗溝不期遇。

去年

十月十八
日君過此

計程尙有四千里，留君且作一日住。知交海

丙今寥寥我不逢君向誰語方壺員嶠鸞鳳儔匹伍揚
馬超王劉豫章使還甫三載又膺 寵命辭 皇州慣
掌牢盆度支管城府豁然竭愚款江湖來往一扁舟傲
人游草奚囊滿昔年角逐詞壇雄蒼狗變態哦虛空短
長焉可續鳬鶴甘鮮未許兼魚熊藥洲緘詩仲春月筴
磬同音清以越正值題襟重開社揮汗推敲那能歇輞
川謂謙丁卯謂叔平水部何謂暖叟拈豪共把端溪磨零珠
碎錦之光采爭如網得珊瑚多此時使節經過處玉蝶
梅開香夾路蘇齋享大名吾子足追步羅浮仙境儼一
登看吟謝朓驚人句

吳晉壬

唐林

駕部見和消夏詩十七疊前韻答之

彝鼎編爛駭俗流囊書泛海幾曾休

君屢應禮部試航海北上竭來

遠作淮東客猶記相逢嶺外州磊落騰驤空一顧研精

著錄已千秋歐蘇遺跡重修復

擬重修平山石林二堂

指日春郊

蠟屐游

豪氣縱橫湧墨波今人真覺古人過

君書學北魏

要知容納

虛虛易翻悔收儲夾袋多長鍊陣前王擊刺短檠牆角

怕聞歌寒窗又動題襟興倏爾風飄卷者阿

次晉壬邗上旅懷韻

程材選匠鼓磬勝廣廈空懷杜少陵驚馬羞同良馬伍

越鷄甘讓魯鷄能迷漫塵海蓬催轉

定生將北上

寂寞虛堂

竹少朋

暖叟返吳門

賴有駕兄閒雅甚

香山贈吳郎中詩云惟有南宮老駕兄

舫齋半日品茶僧

歌嘯雲溪水一涯

君與同里諸子曾結白雲溪詩社

延陵才調擅顧家

讀隨夜月希江泌賦到雄風壓景差招客快傾銀鑿落

忍寒看舞玉交加

二十七日曉起得雪

崢嶸歲暮綮歸思堪羨詩

人補白華

寄懷謙齋次七月游焦山用壁間洪北江先生韻

三首

君歸令我吟興止生涯冷落管城子詩筒二月拋案頭

價道御白嶺南始

近始和棧珊
二月見倚詩

遲君端爲梅花來大江

扁舟去復回海門天柱恣凭眺突兀寒翠千峯堆雨歇

薤露題襟客

謂次垣
介臣

秋月紅橋黯無色到手莫放金樽

空委心任運忘窮通相思邈隔關河重清燕堂畔誰指

鈴

謂暖
叟

卓哉文淵論杜龍

腰腳未健行且止

予今夏左
骭復病瘍

不獲拏舟送吾子危亭改

作吸江樓風雅使君新創始

謂沈
仲復

日者山僧

謂芥
航

渡江

來道君昔游僧未回君游正逢七月望冰輪割破瑠璃

堆如此江山

自然施有
如此江山圖

如此客客至江山倍生色詩

境峭絕摩高空儼入玉局參五通林巒一掩還一重登

頽緩扶石上筇夜闌搗管摘鸞龍

蝨隱庵中足栖止掃除門面傲七子波瀾壯濶信可怖
須識淵源濫觴始撫掌必待真長來交判水醴師林回
履險如夷力堅定有功於人灑頽堆冰合邦溝阻行客
夕陽亂戰寒鴉色豁然漲墨浮烟空夢園夢與遺園通
雪花滿地裘兩重共倚門鳴池邊筇笑看鱗甲舞玉龍

有感四疊前韻

藐躬知足亦知止守黑守雌宗老子半生坦率悔吝叢
十載浮沈憂患始蜀山約我歸去來興生豈願陳封回
放開眼界縱瞻矚崑崙渺如螻蟻堆世間誰主亦誰客

奔走趨趨可憐色蜚樓海市俄成空漫翹捷徑終南通
縋巾十襲革十重幻相了了三枝筇有鬼挪揄劉伯龍
答萬仲桓

同倫

運判卽次見贈詩韻

久辭蓬萊骨不仙性僻卻厭公家言亦步亦趨追昔賢
吟哦大几明窗前皮嶺以後詩成編稱雄敢云壁壘堅
甘苦閱歷四十年陋哉坐井難觀天獨彈古調鏘冰絃
興酣刻燭寶滿筵一裴端資狐腋千門徑與窳窮鑽研
蕪城青斷楊柳烟嘯歌輒復塵慮蠲詞芒作作如龍泉
有客橐筆來秦川享以敝帚所好偏忍寒忽聳山字肩
謂余可策騷壇鞭吁嗟矩方規則圓昔也少壯今華顛

畫虎類狗嘲文淵幸獲風雅相周旋得善知識洵夙緣
箇中三昧離言詮搏掄大力非空拳意真語樸繁縵捐
取法乎上君勉旃東塗西抹蒙悔悛耳畔恍聞清唳蟬
靈氣鼓盪自潔涓專尙標格烏乎然

仲桓疊前韻索和書此以報

芙蓉淥水詩中仙同州太守

謂宋申
菴元慶

向我言君曩佐幕

推豪賢瓦石在後批糠前揣摩簡鍊陰符編嬰城固守
千櫓堅是時甫逾弱冠年義不忍去人勝天深知緩急
猶張絃捧檄忽辭翰墨筵迢迢跋涉途過千豈獨心算
俯計研白樓沙苑銷烽烟足奏九能陳七蠲蠟展閑評

第五泉日者春揭方濬川升溝凍漸風信偏嘯傲可並
蘇黃肩義和短景遲揮鞭瞥見蟾魄當頭圓欲雪不雪
雲意顛膝六奚往龍潛淵陳跡笑同驢磨旋牽絲未了
都盧綠守株待兔理莫銓措大罕識歸宗拳但取熊掌
雞肋捐聞工篆刻思求旃聞中菴言好奇翻至古法悛焉肯
不鳴如暗蟬沸騰蒼波起微涓靈運主險仍自然

消寒第一集次叔平過清燕堂題襟館有懷煖叟

吳中謙齋晚上用浩翁次鼃補之廖正一贈答

詩韻

月旦品題仲將口高尙那屑謀升斗去年我度梅銷閣

故鄉君亦擎舟還邗江今夏起吟社不圖歌散須與閒
夜夜推敲看月上東洲居士劇稱賞主賓唱酬無俗情
風雅欲埒曾南城就中王郎獨奇崛脾睨塵世忘枯榮
卅年交徧天下士落落知心二三子吳家昆仲跨鶴去
倚檻長歌雜悲喜君不見江湖閒阻會合難伯牙琴爲
鍾期彈輞川竹里勞夢想石廩紫蓋窮躋攀同舟詩友
更相憶去天一握孤雲山

謂李稚和時權陝安道篆

次韻王壬秋金山宴集歌

壬秋自南昌寄詩來

不能捧袂珠海頭

君曩游粵未得一見

有緣偕櫂京口舟氏父山

中展重九

九月十九日公宴金山

耿耿樓觀凌高秋倦游燕市還

鄉樂鼓翼翩翩雲外鶴喧傳盛會揚子江楓纏紅旆青

油幢萬人爭識相公面開黎笑指蠡投窗如君合是金

閨彥震耳才名今始見江南一賦大手筆

君擬庾子山哀江南賦用

韻雄視驪壇工組練兀然砥柱迴顛波拔擢杞梓梗柟

多元助上擬韓魏國芬菲晚節珍黃華終須屠鯨到碧

海漫誇暴虎方惡河諸纓棄繻等閒事禁中不乏牧與

頗蕩平反側孟安覆麟鳳在郊鴻漸陸山堂共說使君

賢

謂沈仲復

課農新樹柔桑綠當筵豪氣何縱橫嚶鳴喬木

求友聲

前得徐壽蘅書云入都時與君唱和

弄藏猶有白紈扇

君在粵曾贈子團扇

書所作

躋躋別恨明朝生

公宴之次日

無心解后文章

伯風散萍蓬留不得我返邇溝理度支君在建康挂帆
席消寒正約吟社開遠道忽遞詩筒來緘尾細書小雪
日應過東湖傾凍醅朱陵洞府山色好盼君歸去休遲
徊衡州延君修府志詩成一葉扁舟上我歌那及君歌肚子返揚州
亦作一詩振衣直躡千仞巔傲骨凌嶒堅所向湘江合
上相候流蒸水寬迴雁之峰石鼓山懸知諸軍歛鵝鸛驚看麗
藻摘龍鸞蜀岡近者已修復差免荒廢同湖園期君再
稅廣陵駕相與訪勝研松烟

仿邗上題襟集思雪用東坡祈雪霧豬泉韻

今年寒早冰澤腹醞釀天花十分足幾番飛霰不成陣

似愁蒙袂飢民哭

揚州十一月朔開粥
賑到者七千餘人

空齋坐對發遐

想鍾山老人圖一軸

新得蕭尺木
雪景立幅

祈雪得雨去冬事長

官爲民餐乳菽小春袁浦已渥霑宿麥遙知迴凍綠此

邦三白未下地計日萬夫將浚瀆秋旱昨者憂甘泉銀

龍也復潛深淵雲師張幔助滕六放晴可奈西風顛乍

過頭九農盼急上訴須令真宰泣羊羔美酒太惜懂驢

背行吟難企及冷絮遠飄揚子宅怪哉珠海忽騰鰐傳聞

廣州大雪 羶爐結會轉惆悵釣磯閒煞漁翁笠神仙玉巖原

不疲天門詆蕩爭閒世

謝壺園主人餉南豐橋疊前韻

安得洞庭香入口巴邛如盎大三斗木奴小小來問關

搗囊誰自盱江還清黃雜綵味甘美品在穰侯溫尹間

開卷豎指蓮臺上芳馨鼻觀通幽賞

主人久病新瘥子往視卽以大佛手

一孟

見貽投桃投李殊多情病起依然擁百城考諸橘錄曰

沙橘

物之小而甘美者曰沙

冰天雪地滋繁榮獻同蒂者太守士

吳黃武中交阯太守士

變爵橘十七實同一蒂賦形絕肖黎滕子論封已列貨

殖傳作頌偏增屈原喜君不見受命不遷踰淮難好我

獨將古調彈羅浮似聞夏先熟璇樞孰云高莫攀故人

紛紛競包致

吳子登勒少會當遠躡麻姑山仲先後見館

感興疊前韻

疏慵何事挂心腹惟願吾民生計足兩淮助賑到畿輔

蒿目災黎歌當哭

今年直隸水災兩淮議加引四萬捐賑銀二十萬兩并製棉衣銀二萬兩

有奇重臣上紆

宵旰憂深賴鄴侯秉鈞軸桑乾泛溢非

尋常滂退尙難甄麥菽鴻罄遍野炊烟稀莽莽寒沙枯

萬綠脫令撫卹少遼緩坐見老弱轉溝瀆秦隴轉輪竭

貨泉沸騰莫測鮫鰐淵夜郎六詔苦兵革佇登衽席扶

危顛狂瀾孰挽邊烽急槎客喋吟

上聲

戰士泣堪笑井

蛙胡見小太息池魚每殃及補牢偏有觸藩抵涸轍奚

如坏戶蟄怪底仰觀兼俯察不出覆槃和蓋笠收視反

聽神勿疲俾完金鑰堅玉匙

喜雪三疊前韻

白戰豪情動詩腹一夜郊原普霑足天公降此五穀精
破涕爲笑農不哭明朝銀線飄濛濛先以雨膏潤坤軸
二更就枕聞集窻敲簷打窗如細菽曉起瓦溝碎瑤滿
卯飲催酣凍醪綠卽看瑞景呈邗江遙知渥澤遍淮濱
鏗解脣齒流言泉吟朋亟召平輿淵謂叔平卻嫌羞明不
等伴柳絮待逢三九顛趁晴鉏麥亞旅急萬珠暫止鮫
人泣寒凝溫搏理則然六出羣芳皆弗及彼蒼仁愛到
赤子號令獨呼龍起蟄須臾狂飈捲山帶銅鉞又挂穹
窿笠有客度嶺津梁疲馮展雲將至煮雪正好傾茶匙

送定生北上四疊前韻

才氣縱橫書滿腹李杜騷壇此高足雄豪肯受醉尉呵
曠達恥作步兵哭君從秋後補入社力能方穿運棘輪
輞川詩人

謂謙齋

適歸去料理露葵兼穫菽請纓莫羨乘

飛黃長價終須讓結綠郎官忽動戀闕心殘冬鼓柁山
陽濱嗟余人不嘗玉泉英俊幾輩希卿淵雞坊趨掄小
兒冠聳身直上竿之顛十一年來電光急楚囚慣向新
亭泣如君允光蘭握選征南武庫定追及豈惟望重土
山頭騰躍天衢伸蠖蟄老夫時時思退休風雨肥津荷
鋤笠長安車馬渾忘疲五更待漏剛啟匙

答儻道人五疊前韻

甲兵數萬羅胸腹履險如夷膽識足仰天常抱杞人憂
有淚都爲蒼生哭果然江湖懷廟廊未容槃澗樂適軸
亢倉之論信可憑得時菽異失時菽頗厭牽絲成傀儡
詎肯爭妍妝粉綠漫天風雪歲云暮又報扁舟來滬濱
問君底事拋林泉中夜瞥睹星守淵星守三淵主大水仁言利
溥拯飢溺從今木處無虞顛奔走不遑簿書急斫地悲
歌皆感泣道人作津門大水行九重丹詔新酬庸湛露蓼蕭
恩偏及遷延卻苦驥上坂變化頓驚龍破蟄方期松柏
同久要奚至前盟忘車笠懸弧令節違告疲酒酣菰米

滑流匙

道人生日觴
於寶米齋

贈展雲六疊前韻

元氣渾淪空洞腹骨相逸羣推絕足去年還鄉營窀穸
龍頰蓼義執書哭今秋度嶺歸京師重到邗江駐征軸
與君小別俄經年依然被繡袍芻菽寒雲粘天銀礫飄
促膝且飲樽中綠爲言矢志脩崑崙探源早過岷山瀆
無害之岸止足泉呼吸瓊池吞薤淵盧敖把臂眼前事
可比昌黎逢大顛兔走烏飛殊太急梵宮竟有龍象泣
輪囷老幹撐穹蒼難把靈椿儕日及陋儒少見輒多恹
案帙冬出夏乃蟄似聞銀漢猶橫查請看碧虛時轉笠

努力隨君策，昏疲元牝固，屬勿敢馳。

古歡吟社張石朋

德堅

韓文川

儀亮

廖子仁

壽山

王小汀

葵

汪鑑臣

鑑

吳敬甫

璋

徐嘯竹

穆

皆和

予思雪詩石朋至七疊韻之多臘月初九日黃

灣舟中七疊前韻奉酬

破除萬事酒，澆腹騷壇并騁追風足，偃蹇名場遭白眼。
千古才人同一哭，諸子希踪竹林賢，幾日新詩動盈軸。
瓊勇玉藻絕華美，那用折腰謀稻菽，桴齋醉嗅梅影香。
寒月光凝脩桂綠，桴齋分詠梅影脩桂圍爐斗室劇閒。
雅笑我仿徨凍冰瀆，汨汨有如萬斛泉沈酣，獨向圖書。

淵賢郎不寐倭僞倡爲道大呼石朋狂歌幾同張旭顛
匪徒敗興催相急流漸亂遶河魚泣敢云主盟執牛耳
聞道偏師迅攻及驚工叫號不肯住遙羨閉門事幽蛰
行行將到召伯埭鼓勇汰輒仍貫笠晚來傍岸撐牽疲
柁樓吹火進兩匙

送仲復之滬上八疊前韻

天真滿貯十圍腹孜孜爲善恐不足吳興使者惠澤深
潤州之民遮道哭犬羊羈縻化頑性曲體輿情運機軸
成都八百尙嫌少徧野種桑若稼菽三山勝概入圖畫
江上風吹黛鬟綠嚴防關吏塞漏卮親役丁夫通港漬

廉泉味美逾貪泉化成比戶歌塞淵天池願盼奮鵬翮
扶搖徑上青雲顛張琴毋任大絃急一片婆心下車泣
諸生呼爲祝夫子誰道古今弗相及海隅從此慶安瀾
鼓龍入穴龍鼉蟄更欣餘事作詩人家家爭繪東坡笠
五官并用何曾疲瓊瑤遠貺封銀匙

贈徐仁山觀察三疊前韻

突圍而出離虎口便投戎幕聽刁斗卽今轉饒逾秦關
淮軍何日西征還朱提月賁四十萬鉤稽不勞談笑間
菊江單舸乘潮上遑遑北牡驪黃賞請纓弗忘桑梓情
前驅復我春穀城鋒鏑餘生報君父弓衣盾鼻增光榮

胸羅武庫，貌儒士，善論心形。子荀子江天縱覽，發高唱

金山公譙君亦有詩風雅締交，洵可喜。君不見盤根錯節，良獨難

待。馳露布冠爭彈，銀河既挽，甲兵喜鳳翼斯附。龍鱗禁

安得從君挂帆去，扶筇飽看朗陵山。

寄龔叔雨光祿卽次定福莊粥廠紀事韻

楊賜張湛杜林孟宗近今無策馬東郊德化導使節

箕裘紹祠部道光壬辰年丈文恭公亦詩筒風雪遞

征途報恩都作銜環雀，送喜爭看集戟烏。君新擢紫禁

滄洲偕引領惠杏田光祿陽春有脚萬民蘇

有客邦江正機船君書中問展雲中宵把酒意茫然名

場莫漫成孤注鄉里何如受一廛西塞釣竿垂凍港東

湖遊屐踏寒烟

謂縵雲
薌泉

安心至竟無他訣自種靈苗灌

寸田

蜀岡畚揭傲蕃釐

瓊花觀已圯近
修復平山堂

度嶺歸來禹筴司常

轍訓嚴遽伯玉穿楊技讓養由基頻年勞燕分飛慣往

日雲龍上下隨屈曲屏風傳雅譽聯鑣猶記散朝時

勞退能令挾纊溫痼癢在抱溥仁恩士師曷講移民法

勝伯先呼煮海村

兩淮加引捐賑
復捐製棉衣

縱免其魚登衽席尙

憂無麥少耕屯因君更動離羣感

于蓮舫銀臺駐黃村
王蔭堂廷尉駐禮賢

爲道相思一慰存

和僕道人題瀆客中雪夜見寄之作九疊前韻

塊鼎全消堪捧腹
壁甕由他馳捷足
厝薪抱火皆茫然
抗疏獨聞賈生哭
要知撐拄五千卷
絕勝插架三萬軸
灾黎可閔鴻集澤
司牧當令牛饕菽
四百里內田廬荒
春風不起炊烟綠
北曰永定南鄆城
何日汪洋水歸瀆
流通罔滯憑貨泉
探珠必向驪龍淵
赤心君但念民瘼
白頭我更懷詩顛
謂齊王裕濕雲怒捲狂飈急
空階夜聽銅瓶泣
此時返樵清風溼
跨犢高蹤信幾及
明年放舟平山堂
招客提壺候驚蟄
草堂新築勞夢想
萬樹梅花香撲笠
忍寒呵凍挽欲疲
蟾蜍罷滴冰溜匙